



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

5. Diuitiarum vanitas, ab exemplo Alarici Gothorum Ducis.

urn:nbn:de:hbz:466:1-45699

rus mutauerunt. Quæ à S. Patre dicta sunt, vt ostenderet, vermem diuitiarum esse superbiam, quæ ex adipe prodit, & ipsa pauperum, quos despicit, comparatione detumescit, videt enim eorum finem suo esse meliorem; vnde cognoscere potest, etiam principia eorum suis principijs præstare. Nam sicut inopia est virtutum occasio, ita diuitiae omnibus criminibus viam aperiunt. Quid enim mores magis corruptit, quām nummi? Nam, vt vidimus, non nisi qui nummos habent, superbè vestiuntur. Sine pecunia nulla emitur purpura; gemmæ, armillæ, torques, pretio constant. Inopia non patitur habitum sumtu insolentem. Comportationes, conuiua, ebrietates, ibi abundant, vbi abundant facultates. Vbi maior auræ copia, ibi maior auaritia: & quām minus rerum, tanto minus est cupiditatis. Hinc lites, hinc rixæ, hinc cædes, hinc odia, & bella oriuntur. Qui habet satis, non indiget labore; otio igitur est obnoxius. At otiosus quid est, nisi puluinar diaboli? Libidinis lectus, ager vitiorum. Eapropter & olim homines ante diluvium ex abundantia rerum in otium; ex otio in luxum; ex luxu in lamentabilem illam totius mundi calamitatem inciderunt. In Brasilia barbari, quia ob cæli clementiam nec vestitu indigent ad frigora arcenda, nec aratro ad viustum comparandum, sed omnia sponte proueniunt, idcirco omnibus flagitijs cooperti sunt, & ritus bestiarum degunt. Nempe vbi maior egestas, maior honestas; & abundantia rerum, inopia est virtutum. Caret ergo multis pedicis paupertas, quæ cum rerum affluentia remouet materiam superbie, ac omnium vitiorum. Cristas igitur demittit diues si seipsum rectè aspicit.

V.
Paul. Diaconus.
lib. 13. hist.
miscell. &
Baron. An-
no 42.

Mal. 36. 35.

Supercilium etiam ponere docetur, si ad finem respicit, omnis enim pompa diuitiarum, uno temporis momento, cum vita abit. Exemplum in Alarico Gothorum Duce exhibet Paulus Diaconus. Is Alarius pecuniarum copia inflatus magis, quām plenus, totos se auri non aceruos, sed montes possidere, omnem humanam opinionem excedentes, glorianter admodum iactabat. Utque cresceret tumor, iam spe quoque Siciliam deuorauerat; & sibi super hostium capita gradi videbatur. Sed subito in illo contigit, quod Prophetæ dixit: *Vidi impium superexaltatum, & elevatum sicut cedros Libani, & transiui, & ecce non erat, & quæsivi eum, & non est innuentus.*

inuentus locus eius. Siquidem dum jamiam traiicere in Siciliam exercitum cogitaret, inciso consilio, frustra fuit. Quin etiam in Consentiae regione, subita morte inopinataque extinctus est. Nec satis fuit, opes amisisse, amisit etiam sepulturæ honores, utq; memoriam quoque sepulturæ non haberet, Gothi illico Basentium amnem à suo alveo, per alium tramitem, captiuorum labore, deflexerunt. Vbi aqua defecit, & desiccatus est alveus, Alaricum ibi cùm magnis opibus sepelierunt, rursumque fluum in alveum suum reuocarunt, vt terris pariter & aquis tegeretur. Ac ne memoria illius vlla extaret, aut sciri ex quoquam posset, vbi vel ossa, vel opes illius essent, captiuos omnes, qui auertendo fluminis interfuerunt, & locum tumuli cognitum habuerunt, è medio sustulere. Ita qui superexaltatus & elevatus erat, sicut cedri Libani, in transitu esse desijt, & non est inuentus locus eius, cui locus antè adificatus fuerat palatum magnificentum, cui spectacula & cœnacula erigabantur sumtuosa, jam nusquam apparet; neque tumulus eius apparet, quin & thesauri ipsi cum funere euanuerunt. Si speramus æterna, cur tantopere querimus peritura?

Vt veniant gemmae, totus transbitur orbis:

Nec lapidum pretio pelagus cepisse pigebit.

Annuia solliciti consumunt vota coloni,

Et quanta mercedis erunt fallacia rura,

Quaremus lucrum nauis, mortemq; sequemur

In pradas, pudeat tanto bona velle caduca.

Manil. lib. 4.

Astron.

Auaritiam quis monstrum esse neget? eadem & mater est, & filia dibilitarum; parit enim illas, & paritur ab illis. Quia cum pecunia, vt dictum est, crescit cupiditas pecuniarum: & inde etiam illiberalitas; vt saepe nemo magis parcus, tenax, retractus & restrictus sit (qui omnes in dando deficiunt) quam qui plus habet. Videbis talem tantum intentum ad accipendum, numquam ad dandum. Timebit semper, ne necessarijs destituatur, aut ne turpe aliquid committere cogatur. Quod vitium nonnulli ex opibus aiunt Simonidi accessisse. Ille enim vt parcitatem tegeret, dicebat: malle se mortuum inimicis benefacere, multis post se relictis, quam vinum amicis egere. Est hydropi similis auaritia, & pecunia aquæ. Ab hydropico *Quo plus potantur, plus sitiuntur aqua:* ita quo plures

VI.

Aristot. lib. 4.
Ethic. c. 1.

G

nummi